

淹伏而朽、疑斯塔靈矣、彼病呻音、每夜不息、行者不得聞忍、故起窺看、猶無病人、然寢後夜、倍於常音、響于大地、而大痛呻、猶疑斯塔靈也、明日早起、見于堂內、其弥勒丈六佛像頸、斷落在土、大蟻千許集、嚼摧其頸、行者見之、告知檀越、々々等恨、復奉造副、恭敬供養矣、夫聞、仏非肉身、何有痛病、誠知、聖心示現、雖仏滅後、而法身常存、常住不易、更莫疑之焉、

村童戲剋木仏像愚夫斫破以現得惡死報緣第廿九

紀伊国海部郡仁嗜之浜中村、有二愚癡夫、姓名未詳也、自性愚癡、不知因果、海部与安諦、通而往還、山有山道、号曰玉坂也、從浜中指正南而踰、到乎秦里、当里小子、入山拾薪、其山道側、戲遊剋木、以為仏像、累石為塔、以戲剋仏、而居石寺、時々戲遊、白壁天皇之世、彼愚夫、咲戲剋仏、以斧殺破棄之、而去之不遠、拳身躡地、從口鼻流血、兩目拔、如夢忽死、諒知、護法非無、何不恭敬、如法花經說、若童子戲、草木及筆、或以指爪甲、而画作仏像、皆成仏道、復拳一手、小低頭、以此供養仏像、成無上道、是以慎信矣、

沙門積功作仏像臨命終時示異表緣第卅

老僧觀規者、俗姓三間名干岐也、紀伊国名草郡人也、自性天年雕巧為宗、有智得業、並統衆才、著俗當農、蓄養妻子、先祖造寺、有名草郡能心村、名曰弥勒寺、字曰能心寺也、觀規、聖武天皇之代、發願雕造釈迦丈六並脇土、以白壁天皇世宝龜十年己未、奉造既畢、居能心寺之金堂、以設會供養、又發願雕造十一面觀音菩薩木像、高十尺許、半造未畢、少緣歷年之、老耄力弱、不得自彫、爰老僧年八十有餘歲之時、長岡宮御宇大八嶋国山部天皇代、延暦元年癸亥春二月十一日、臥于能心寺、而命終焉、逕之二日、更甦還之、召弟子明規言、我忘一語、不得念忍、故還來也、即令立床敷蒲備食、於是請檀曰武藏村主多利丸、居床饗食、對面共食、々既畢之、即從坐起、引率明規並諸親屬、長跪礼於多利丸言、觀規少分尽命、不畢觀音像、而忽率罷、今幸逢嘉時、盍申所思、伏願、蒙尊芳慈、欲畢聖像、寸心之願、僅當所望、故後生大福、被於觀規、現報功德、蒙於尊主、不勝至誠、更參還來、奉無礼状、悚慄謹白、爰多利磨及以明規等、悲哭涕淚、而答曰、既請語状、我必奉畢、沙門聞之、起拜歡喜、又逕二日、至同月十五日、召明規言、今日当仏般涅槃日、余亦命終、明規將告、見父慈儀、不勝愛之至、詐言而白、未及彼日、師乞曆見之言、今当十五日、何我子虚言未及也、乞湯洗身、易著袈裟、跏跪合掌、擎持香炉、燒香向西、便日申時、命終之矣、既而仏師多利磨、受遺言、造彼十一面觀音像、因開眼供養已訖、今居能心寺之塔本也、贊曰、嗟呼慶哉、三間名干岐之氏大德、内密聖心、外現凡形、著俗觸色、不染戒珠、臨没向西、走神示異、誠知、是聖非凡矣、

3 仆(前)一作
4 寢後夜(來前最後之)一最誘夜
5 于(來前)一ナシ
6 土(來前)一云

1 童(實傍書)童(來前童)一木亦求也
2 剋(實傍書)剋(來前刻)一恨哀也
3 詳(前)一祥
4 部(前)一鄰
5 剋(來前)一木剋
6 以(實傍書)以(來前)以(一)仏

7 拔(來前)一坂
8 草(來)一ナシ

1 統(真釈)統(來前)統(一)縁
2 積(來)一尺

3 少(來前)一小
4 八(來前)一以

5 得(來前)一ナシ
6 檀曰一智
7 々(來前)一ナシ
8 從(來前)一位從
9 今(前)一命

10 慄一慄

11 既(來前)一ナシ
12 見(父(來前)父)一見
13 之(之(來)之(之(前)之(逕)也)至)
14 之(來前)一也
15 開眼(來)一開日
16 贊(來前)一未替